



**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

§.2dus. De septem horis in specie.

Nutzungsbedingungen

[urn:nbn:de:hbz:466:1-54780](#)

Solidae devotionis exercitia.

123

flagellis cæsus, spinis coronatus. 6tā Crucis affixus. 9rā expiravit, ad inferos anima ejus descendit. Horā vespertinā de Cruce depositus est; eādem horā cœnavit, pedes lavit, Eucharistiam consecrit, & respectu eorum, quæ in Cœna ultima peracta sunt, hora quasi *Completorii* fuit ejus oratio in horto. 3tiō. Et respectu nostri hic numerus septenarius observandus est. Nam septies in die cadit justus Prov. 24. in imperfectiones, & septies mox hanc mox illam horam orando resurgit. Septem assumit Dæmon nequiores se spiritus contra nos. Septem sunt dona Spiritū S. quibus, devotè horas Canonicas recitando, Dæmones vincimus. Septem sunt partes orationis Dominicæ, septies de die David laudem dixit Domino. Ad hæc in unaquaque hora septem particulae numerantur. 1. Deus in adjutorium, & Crux in nomine Patris & Filii &c. 2. Hymnus. 3. Psalmi. 4. Antiphona. 5. Capitulum. 6. Responsorium. 7. Oratio completa.

§. 2dus.

De septem horis in specie.

5. *Matutinum* unde dictum, ejus forma
tres nocturni.

Matutinum est vox antiqua, & teste Conc.
Cabilon. 2. deducitur à Matutâ, id est Au-
torâ, quia sub auroræ ortum vel etiam de nocte

F 2

ora-

orabatur. Formæ Matutini vestigium non obscurum recensetur ab Apost. 1. Cor. 4. ut notat Baron. ait enim : *Cum conveneritis, unusquisque vestrum Psalmum habet, doctrinam, Apocalypsin, linguam, interpretationem.* Nam verè in Matutino habemus Psalmos, Lectiones pro doctrina; Responsoria pro Apocalypsi sive revelatione; quia verba sunt selecta ex S. Script. Evangelium pro lingua, Homiliam pro interpretatione. Primi Christiani hæc habebant ab Apostolis oretenus. Nos ex Scriptis SS. PP. & quia juxta illud Hieron. Ep. 22. ad Eustochium: *Noctibus bis terve surgendum, tres noctis vigilias antiqui observabant, & distinctis horis nocturnos canebant.* Hinc nomen illud trium Nocturnorum adhuc retinetur, non tamen jam dividuntur Nocturni.

*De Psalmis in tribus Nocturnis Dom. § 12.
in Feria.*

In horis Dominicæ ad Matut. recitantur in primo Nocturno 12. Psalmi, & recolitur tempus legis naturæ; in quo sub finem per 12. Patriarchas populus Domini in 12. fuit propagatus tribubus. In 2do Nocturno tribus Psalmis recolitur tempus sub lege scripta vel Mosayca. Sub qua tres ordines floruerunt Sacerdotes, Reges, Judices. In 3to Nocturno tribus Psalmis recolitur tempus legis gratiæ. In qua floruerunt & florebunt Apostoli, Martyres & Confessores. Ad numerum Confessorum reducuntur omnes Sancti & Sanctæ, si Martyres non fuerunt. Ante omnia

omnia tres Nocturni , tres in quolibet Lectio-
nes , & tria Responsoria semper nobis inculcant
Mysterium SS. Trinitatis. 12. Psalmi feriales
ideo sunt constituti , quia 12. sunt horæ noctis,
& cuilibet horæ Psalmus respondet.

6. *Unde Laudes , cur in iis iidem Psalmi duobus
exceptis certis temporibus.*

*L*audes , quæ cum Matutino unam horam
conficiunt , inde dictæ sunt ; quod aperte
sonent divinas laudes . Dicuntur autem in Lau-
dibus semper Psalmi iidem in Dom. & Festis.
Nisi quod duo primi mutentur in Dom. à Sep-
tuagesima usque ad Dom. Palmarum inclusivè,
vice quorum dicimus Psalmos Miserere & Con-
fitemini ad timorem ob peccata incutendum in
primo , & in altero ad spem excitandam ob ba-
nitudinem Dei. Et quia tunc non est tempus læ-
titiae , quam exprimunt duo primi Psalmi *Do-
minus regnavit & Jubilate*. Interim quia , si per
integralm hebdomadam diceretur de Feria
(quod olim necdum multiplicatis ita festis nil
erat novi) totum Psalterium deberet absolvi ,
Psalmus *Dominus regnavit* dicitur in Prima &
Jubilate in Matut. Sabbathi , quando non fit
officium de B. V.

7. *Unde Prima , varie ejus partes , & per heb-
domadam divisiones Psalmorum.*

Plures docent & rectè (contra alios volentes
Prima usum antiquiore esse) quod ante
Cassianum *Prima & Completorium* saltem in tali
forma

forma non fuerint. In Reg. S. Benedicti & Conc. Cabilon. 2. Prime fit mentio. Post ortum solis congruè recitatur (ut Hymnus ipse *iam lucis orto sydere indicat*) ut scilicet ipso solis ortu solem justitiæ nobis orientem postulemus , & primâ horâ etiam primùm quæramus regnum Dei , primasque cogitationes velut quasdam lucis primitias Deo offeramus. In Prima Dominicæ & Feriarum sunt 4. Psalmi. In Dominicæ quartus Psalmus est *Confitemini* , quia in eo verus est de *Resurrectione Christi* in die Dominicæ factæ. Feria V. *Dominus regit me* , quia in eo agitur symbolicè de *Eucharistia*. Feria 6. Psalmus *Deus, Deus meus* totus est de passione Domini. In Sabbatho sunt tantum tres Psalmi ; quia nullus ex Psalterio superest , qui assignari Sabbatho possit. Subditur in Dominicæ Symbolum S. Athanasii , quia fides fundamentum est omnis boni operis. In festis & tempore Paschali tantum dicuntur tres Psalmi , quia jucunditas ob festivitatem excludit laborem multa canendi. Primus Psalmus in Prima Deus in nomine tuo oratur tanquam pro totius diei decursu contra hostes animæ aptissimus. Ter dicitur post orationem Sancta Maria , Deus in adjutorium. Ut peccata præsentia ac præterita deleamus , & futura cayeamus. Item ut armemur in nomine SS. Trinitatis contra Diabolum ; mundum & carnem. Capitulum post Psalmos in Prima non legebatur antiquitus. Quia tamen post Primam conveniebant Monachi ad lectiōnem communem. Vice ejus etiam modò ab aliis

aliis horas recitantibus legitur Lectio brevis,
prout vocatur in Breviario.

*Laudes & Vesperæ sibi similes sunt, sicut etiam
Prima & Completorium.*

DEmum Gavantus observat, Laudes & Vespertas dein Primam & Completorium sibi affines esse. Nam in Prima & Completorio fit Confessio. Canticum Simeonis in Completorio respondet Symbolum S. Athanasii in Prima. Dein Hymni, Capitula, preces in utraque hora ita sunt disposita. Ut initio diei & noctis armemur contra hostes diurnos & nocturnos, suavique [quod monebat Ambros.] Psalmorum celebritate ita dies clauditur & inchoatur, sicut aves suavi modulatione ortus dierum ac noctium prosequuntur.

8. *Unde Tertia, Sexta, Nona.*

Tertia, Sexta & Nona, ut vide supra num.
4. notissimæ fuere Apostolorum tempore. Sunt & alia de his horis in S. Script. exempla. Daniel ter orabat de die. *Horæ tertia datus est Spiritus S. quem & nos petimus in hymno ad Tertiam.* Lex nova data est Apostolis, de qua ad Tertiam dicimus *Legem pone mihi Domine.* Horæ ita Christus cum Samacitana sermonem habuit, & doctuit Deum in Spiritu adorandum. Horæ quæ Centurio Cornelius Angelum vidit Act. 10.

9. Unde Vespere, diversæ eius hora nomina;

Vesperæ à Sydere, quod Vesper nominatur, & decidente sole oritur, nominantur. Significat tamen etiam hoc vocabulum tempus cum ante cum post solis occasum. **V**espere à S. Hieron. in Ep. ad Lætam Lucernarium vocantur. A Cassiano hora lucernalis, eò quod lucernæ accenderentur, dum orarentur. A primis Vespere inchoatur Festum, sicut & Hebræis dictum erat. *Festa vestra celebrabitis à Vespere usque ad Vesperam.* Sacrificium vespertinum commendatur à Davide Ps. 140. Abraham & Patriarchæ in Vespere offerebant Sacrificia. Vergente mundi Vespere advenit Christus.

Quid observandum ratione quinque Psalmorum.

Quinque in Vespere Psalmi, sacra quinque Christi vulnera, quorum ultimum horâ vespertinâ latere ejus illatum fuit, in memoriam nobis revocant. Et sicut quinque sensibus quotidiano affectu tendimus ad tenebras, & à sole justitiae nos avertimus. Ita necesse est, ut initio noctis pro iis veniam precemur. Tenemus etiam hos 5. Psalmos quasi lampades quinque virginum prudentum; ut veniente nocte obviem eamus Domino. Et hinc post Psalmos per Capitulum & hymnum venienti Domino pallentes occurrimus.

Cur Canticum Magnificat in Vespere.

Canticum Magnificat (quod in Ord. Rom. passim vocatur *Evangelium ex Luc. 1. de sumptum*)

amptum) cantatur vel recitatur in Vesperis multis de causis, v. g. quia sub Vesperum B. V. pervenit in domum Elisabeth, & salutans ac salutata canticum hoc statim afflante Spiritu S. profundit. Item ut animos fidelium frequentiores Dominicæ Incarnationis memoria ad affectum devotionis accendat, & recogitata saepius exempla B. M. V. in virtutum soliditate nos confirmant præsertim sub Vesperum, atque ita incumbente quietis tempore mens fatigata ad unum se lucæ considerationis recolligat.

10. Unde Completorium.

VOx Completorium reperitur in Reg. S. Benedicti c. 24. *Completam* vocat Isidorus, vel quia in ea completur quotidianus usus cibi, potius, laboris, colloquii apud Regulares, vel quia officium divinum, ipsaque dies eâ horâ compleatur. Dum Cyprianus dicit lib. 1. de orat. Recedente sole ac discedente necessariò rursus orandum est. Suarez notat verbo *recedente* Vespertas; in *to discedente* Completorium designari.

Eius partes explicantur.

Leditio brevis *Frates sobrii esto*, ortum ab initio Completorii à lectione habuit, ad quam horâ Completer. conveniebant Monachi, ut supra ad *Primam* dictum. *Confessio* aptè subiungitur. Ut, quidquid in die commisimus, diluamus, & Confessione peccatorum mundemur. Quatuor Psalmi merentur ob contenta

Pars tertia

130

in iis devotè recitari. Inter cætera in primo
Psalmo *Cum invocarem*, quietem poscimus per
verba *In pace in id ipsum dormiam & requiescam*.
In secundo *In te Domine speravi*, per ultimum
versum *In manus tuas optamus in & cum Christo mori*. In tertio *Qui habitat*, & quarto
Ecce nunc, contra tentationes nocturnas arma-
musr. In hymno *Tel lucis ante terminum* peti-
mus victoriam de nocturnis illusionibus. *Ca-
pitulum exhortationem sonat*, quâ semper ege-
mus. *Reffensorio brevi* quasi signaculo divinæ
nos custodiæ sigillamus ut pupillam oculi. Et
quia Completorium est commendatio animæ
quasi migrantis è corpore per somnum; ideo
Canticum Simeonis additur; quo pacem & lu-
cem optamus à Deo. Subiectimus preces ad
nos coram Deo debitè humiliando cum ora-
tione Dominica, & Symbolo fidei ad mun-
imentum contra hostes nocturnos. In quem fi-
nem solemnis religionis cultu imploratur quo-
que auxilium benedictæ Matris Redemptoris
nostrí JESU. Demum in fine adhuc dicitur
Oratio Dominica, *salutatio Angelica*, & Sym-
bolum Apostolorum, quia iisdem ritibus
finiendum est totum officium, qui-
bus est inceptum.



G. 3115